

„ **ADRIATIC OSIGURANJE** „ d.d. Sarajevo, ul. Trg Međunarodnog prijateljstva 20, 71000 Sarajevo, ID: 42002131400004, kojeg zastupa Direktor - Predsjednik uprave Marina Miočić - Hamidović (u daljem tekstu: **ADRIATIC**) i

„**Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine**sa sjedištem na adresi Obala Kulina bana 1 ,u Sarajevu, kojeg zastupa predsjednik Sindikata Samir Kurtović (u daljem tekstu: **SINDIKAT**) su

slobodno i bez mana volje su u Sarajevu, dana 07.05.2025. godine zaključili

UGOVOR O POSLOVNOJ SARADNJI I OSIGURANJU

PREDMET UGOVORA

Član 1.

Ugovorne strane nalaze svoj interes u razvijanju međusobne saradnje, sa ciljem podrške zaposlenicima - **članovima Sindikata** u svim poslovima osiguranja, u skladu sa pozitivnim propisima, pravilima osiguranja i potrebama i mogućnostima članova **Sindikata**, na način i pod uvjetima iz ovog Ugovora (u daljem tekstu: Ugovor).

Poslovna saradnja po osnovu Ugovora odvijat će se na obostranu korist ugovornih strana, uz uvažavanje tržišnih uvjeta.

Član 2.

Ugovorom se reguliraju međusobna prava i obaveze ugovornih strana u pogledu vršenja poslova i usluga svih vrsta osiguranja, u sklopu redovnog poslovanja Ugovornih strana, te realizacija međusobnih odnosa saradnje.

Predmet ovog ugovora je pružanje usluga svih vrsta osiguranja članovima **Sindikata**, te pod istim uvjetima i **njihovim članovima porodica**, sukladno zahtjevima osiguranika.

PRAVA I OBAVEZE UGOVORNIH STRANA

Član 3.

Ugovorne stranke su dogovorile da će uzajamno vršiti stalnu promociju usluga osiguranja **ADRIATICA** kao Osiguravatelja, odnosno da će vlastite zaposlenike - **članove Sindikata**, članove porodica, poslovne partnere i klijente, usmjeravati da koriste usluge osiguranja **ADRIATICA**.

ADRIATIC se obavezuje, na isti način promovirati **Sindikat**, kao Ugovaratelja i predstavnika Osiguranika, i sve to dogovorno, sukladno zahtjevima stranaka i mogućnosti ugovornih stranaka, za cijelo vrijeme trajanja Ugovora.

Član 4.

Adriatic Osiguranje se obavezuje da će izdavati police osiguranja motornih vozila (AO) članovima Sindikata kao i članovima njihovih porodica, za koje će se premija AO osiguranja plaćati odmah, u skladu sa Zakonom i podzakonskim propisima.

ADRIATIC će **Sindikatu**, izdavati police za sve vrste osiguranja (kasko osiguranje,

osiguranje imovine, dobrovoljno zdravstveno osiguranje, osiguranje od nezgode, putničko zdravstveno osiguranje, i druge) i obavezuje se omogućiti obročno plaćanje premije osiguranja, za ostale ugovorne vrste osiguranja, do 10 mjesečnih rata bez kamata i dodatnih troškova.

Član 5.

ADRIATIC se obavezuje da će **Sindikatu** omogućiti izdavanje polica osiguranje od nezgode i plaćanje istih u 12 mjesečnih rata, prema Tarifi i Pravilima Osiguravatelja, putem administrativne zabrane, na način i po proceduri koju posebno dogovore predstavnici **ADRIATICA** i **Sindikata**.

ADRIATIC Osiguranje može prije zaključivanja polisa osiguranja sa zaposlenim - članovima **Sindikata**, u dogovoru sa **Sindikatom**, da izvrši provjeru njihovog boniteta i radno-pravnog statusa, za što će odrediti posebne kontakt osobe za suradnju.

Za svakog člana **Sindikata** koji izvrši plaćanje premije osiguranja jednokratno, **Adriatic Osiguranje** se obavezuje dati poseban popust za plaćanje u visini od :

- 30 % popusta na neto premiju osiguranja imovine (osiguranje stana, kuće, ostala imovinska osiguranja) ;
- 20 % popusta na premiju putno-zdravstvenog (PZO) i
- 10 % popusta na premiju dopunsko-zdravstvenog osiguranja (DZO) i svih ostalih vrsta osiguranja.

Navedeni popusti se daju na ime poslovne suradnje i grupnog članstva u osiguranju kod **ADRIATICA** sukladno važećoj Tarifi Osiguravatelja.

Član 6.

ADRIATIC će pružati kompletnu stručnu i tehničku pomoć članovima **Sindikata** putem partnerske firme **Agencije Sunce d.o.o. Sarajevo**, u vezi sa poslovima usluge registracije vozila, koje podrazumjevaju preuzimanje potrebne dokumentacije i dostavljanje ovjerenih saobraćajnih dozvola, što će Agencija Sunce izvršiti besplatno, kao i koordiniranje rada stručnih službi oko tehničkih detalja registracije vozila i realizacije ovog posla.

Član 7.

ADRIATIC će za članove **Sindikata** ispostaviti fakture za plaćanje premije osiguranja sukladno članu 4. ovog Ugovora i dogovoru ugovornih stranaka, a što će biti naznačeno u pojedinačnim policama osiguranja, uz obavezu redovnog plaćanja premije i rata osiguranja, kako je to sporazumno između ugovornih strana i dogovoreno.

ADRIATIC će za **Sindikat** ispostaviti posebno fakture za troškove registracije sa rokom plaćanja odmah, a plaćanje premije osiguranja AO će se vršiti u skladu sa zakonom.

Član 8.

Sindiakt se obavezuje :

- da će u skladu sa svojim potrebama i vlastitom poslovnom politikom, za vrijeme trajanja Ugovora kod **ADRIATICA** upućivati svoje članove, na zaključenje ugovora o osiguranju vozila (osiguranje od automobilske odgovornosti – AO, kao i kasko osiguranje za vozila) te osiguranje imovine, nezgode, odnosno zaključivati police putnog zdravstvenog osiguranja (PZO), dopunskog zdravstvenog osiguranja (DZO) odnosno, svih vrsta neživotnih i životnih osiguranja ;

- Upoznati **članove Sindikata i njihove porodice** sa stalnim pogodnostima i akcijama koje će biti periodično organizovane samo za **članove Sindikata**;
- Blagovremeno dostavljati podatke o izmijenama u članstvu.

Članovi **Sindikata** prilikom zaključivanja polica kod **Adriatic Osiguranja** da bi ostvarili sve prethodno navedene pogodnosti dužni su pokazati svoju **člansku kartu Sindikata** osobi-uposleniku na prodajnom mjestu **Adriatic Osiguranja**.

Član 9.

Osiguranje će se vršiti u skladu sa Općim i Dopunskim Uvjetima i važećim tarifama za pojedine vrste osiguranja **ADRIATICA** sa kojima je **Sindikat** upoznat prilikom zaključenja ovog Ugovora i saglasan da ista čine sastavni dio svake pojedinačno zaključene police osiguranja.

ADRIATIC će i prilikom zaključenja pojedinačnih polica uručiti Opće i Dopunske Uvjete kao njihov sastavni dio.

Izbor vrsta i polica osiguranja vrši **Sindikat**, prihvatanjem ponuda **ADRIATICA** u toku osiguravajućeg perioda.

Za sve vrste osiguranja, izračun premije vršit će se prema tarifnim sistemima i cijenicama **ADRIATICA** ovisno o vrsti osiguranja, na osnovu dostavljenih podataka i zahtjeva od strane **Sindikata**.

Član 10.

ADRIATIC se obavezuje da će **omogućiti kvalitetnu i ažurnu obradu i likvidaciju šteta za Sindikat**.

Prava i obaveze ugovornih strana, kao i postupak naknade štete detaljno su razrađeni u Uvjetima i Pravilima osiguranja sa kojima je **Sindikat** upoznata prilikom zaključenja ovog ugovora i suglasan da ista čine sastavni dio svake pojedinačno zaključene police.

VALJANOST I PREKID UGOVORA

Član 11.

Ugovor se zaključuje na neodređeno vrijeme, počevši od **07.05.2025.godine**, a svaka od strana ga može raskinuti sa 30-dnevnim otkaznim rokom ukoliko jedna od strana ne ispunjava preuzete obveze.

Ugovorne strane su suglasne da će u i slučaju raskida Ugovora dovršiti sve započete poslove i izvršiti sve međusobne obaveze koje su preuzele prije raskida Ugovora.

Član 12.

U cilju unapređenja poslovnih odnosa, tokom trajanja ovog Ugovora ugovorne strane mogu odredbe Ugovora mijenjati, dopuniti ili druge poslove regulirati sporazumno, putem Aneksa ovog Ugovora, ili putem posebnih Sporazuma, s tim da sve promjene proizvode pravni učinak ako su sklopljene u pisanom obliku i potpisane po ugovornim strankama.

PRIJELAZNE I ZAVRŠNE ODREDBE

Član 13.

U izvršavanju obaveza iz Ugovora, ugovorne strane su dužne pridržavati se načela savjesnosti i poštenja te čuvati tajnost podataka i poslovanja, kako za vrijeme trajanja Ugovora tako i nakon

prestanka njegovog važenja.

Na sva pitanja koja nisu regulirana ovim Ugovorom primjenjivat će se odredbe Zakona o obligacionim odnosima.

Član 14.

Ugovorne strane se obavezuju sve podatke dobijene u međusobnim poslovnim odnosima, kao i sve podatke koji proisteknu iz istih ili stoje u vezi s istim, čuvati kao poslovnu tajnu, te ugovaraju da svako neovlašteno otkrivanje istih povlači za sobom naknadu time prouzrokovane štete.

Član 15.

Ugovorne strane su saglasne da će sve sporove iz ovog ugovora rješavati sporazumno, a ukoliko to nije moguće nadležan je Općinski sud u Sarajevu.

Član 16.

Ugovor je sastavljen u 4 (četiri) istovjetna primjerka od kojih svaka strana zadržava po 2 (dva).

U Sarajevu, 07.05.2025 godine

ADRIATIC OSIGURANJE D.D.

Predsjednik Uprave - Direktor
Marina Miočić Hamidović

Broj:

25893116



SINDIKAT

Predsjednik
Samir Kurtović

Broj:

61-441/25

08.05.25

